

TE HENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 3

Mati 1937.

Mat. 31.

*Aore e taata i faarue i to'na fare, e te mau metua, e te mau
taeae, e te vahine iho, e te mau tamarii, no te basileia o te Atua,
te ore e farii i te mau haamaitairaa tei hau roa'tu i te maitai,
i teie nei tau, e i te ao a muri atu, te ora mure ore ia.*

B. F. 19: 36.

Te Haereraa I Mua O Te Taata I Te Pae Tino E Te Pae Ite.

MAI ta'u i faaite a'enei, ua faataahia te taata no
te hoê mau tauraa tei titau i te faarahi i to'-
na mau huru i te pae ite e te pae tino hoi, tei faa aano i to'-
na maramarama e tei faarahi i to'na mau opuaraa e ta'na
ohipa e te oaoa te noaa mai no te reira.

E haamata oia i to'na oraraa, pae tino nei, ma te haere i
raro roa a'e i te mau mea atoa ra. I to'na fanauraa ua iti
roa a'e to'na mana, no te haere, i to te mau animala.

E mea iti roa ta'na mau ravea, no te mea, i roto i te mau ava'e matamua eita e tia ia'na ia tau i to'na vahi. I te vahi oia e vaihohia'i, ei reira oia e vai ai, e tae noa'tu i te taime ua tauhia to'na vairaa na roto i te hinaaro o tetahi ê atu. E mea fifi ia parau e, e hinaaro to'na, e a ore ra, no to'na iti eita oia e itehia maori ra na roto i te hautiutiraa o to'na nau avae e te te rima. A vai noa'i oia i roto i te reira huru, te paruparu tino e te mana'o, e hape ihoa te taata tei ite ore e, o te hopea ia no to'na tupuraa e te huru atoa o to'na ora mure ore.

I roto ra i te tahi nau ava'e e tauiraa rahi te tupu, e haamata oia i te faarave to'na hinaaro i te ohipa, e to'na tino, tei tupu atoa, te haamata ra ia i te haapii ia rave i to'na hinaaro, e i reira ua haamata oia i te nee haere. E nee haere te tamarii e e haamata oia i te hi'opoa i to'na ao iti, oia hoi te piha ta'na i parahi e te mau piha i pihai mai, ma te haamataua ia'na i te mau taihaa tei vai i roto e te iteraa i te mau taata tei parahi i pihai iho ia'na.

Na roto i to'na onoono e hi'o paha oia oia i rapae au ae i to'na iho fare. E tia ia ia'na ia hi'o i te hoê fare e a ore ra, te hoê uru raau i te tahi pae mai o te purumu, eiaha mai te hoê taata paari tei hi'o i te mau fetia atea ra. E mana'o ihoa oia e, tei te atea roa te reira mau mea e e ore roa ratou e naeahia ia'na.

Area ra, i roto i te hoê taime poto, e faatupu to'na mau ravea i te tahi mau puai api. E mana'o oia i te tahi mau mana'o rarahi. E mana'o atoa oia ia vaiho i ta'na mau ravea nee noa, e e tamata oia i te tia i nia e ia haere. E ataata, e tapitapi, e mätä'u e e tiaturi oia e tae roa'tu i te taime ua tauturuhia oia, i roto i ta'na mau tamataraa, e to'na nau metua e a ore ra, to'na taata haapao. I muri ae i te mau toparaa e rave rahi e te mau haperaa, e manuia oia i roto i na

te mau
te va-
te tai-
ê atu.
to'na
to'na
huru,
ite ore
na ora

taahiraa e piti e a ore ra e toru, e i reira, eaha ia te huru o to'na oaoa! E faaitoito hia oia e tei haapao ia'na e tae noatu i te taime e mairi ai oia i roto i te mau rima tei faatorohia'tu. Eita oia e mana'o i te hoê ohipa hau atu i te reira, no te mea, i to'na iho feruriraa, ua naeahia ia'na te hopea o te tupuraa o te taata.

e haa-
a tino,
na hi-
haere
ia hoi
e haa-
e mau

Ia huru maoro rii iho, ia papu ta'na ravea apî, e haamata oia i te horohoro na roto i te aua, na nia i te purumu e na roto i te mau faaapu, e i reira e ite oia i te tahi mau fare apî e te tahi atu â mau mea te faatupu te mana'o i roto ia'na e, e mea poto to'na feruriraa i te matamua e te vai ra te tahi mau fare e rave rahi e te hoê a'o tei hau atu i te rahi i tana i mana'o.

u ae i
re ra,
nai te
o ihoa
tou e

Ia pau te tahi nau matahiti e tia ia'na ia haamatau ia'na iho i te otarafia e te parau tuatapapa no te motu, e a ore ra, no te fenua ta'na e parahi ra. E tia atoa ia'na ia titau ia noaa ia'na te ite no te tahi mau fenua e ia feruri atoa e, i taua mau vahi atea roa ra te vai atoa ra i reira te mau taata e te mau mea mai to to'na vahi. E titau oia i te havî i te mau mea te tapea ia'na i roto i to'na ao iti, e ia faarahi i i to'na ite, to'na aroha taeae e to'na mau hereraa.

mau
u ma-
ravea
ta, e
ne ua
u me-
topa-
i na

Ua rau te huru e te hopea ore o te mau ite, ua fifi te mau haapeapearaa te haavîhia, e ua rahi atoa te mau faaineinera, te mau haamaitairaa e te mau ravea apî, no reira ua pau te mau tau e ua pau te puai o te mau ui e rave rahi, te toe nei te ohipa rahi te ore e oti, maori ra ia na rotohia i te mau ravea apî, e te maere hoi, tei faariro i te mau mea, mai te auahi, te reva, te pape e te uira, ei tavini no te taata, ei pereoo e ei tiatia ve'a na'na. Na roto i te reira mau ravea e hope te ao nei, ta tatou e parahi nei, i te paheruhia, e haamaramahia'i te mau otia e te mau faufaa o to'na mau vahi pouri.

Te tere nei te taata, na nia i te fenua, i te tere ra e pae ahuru e tae noa'tu i te iva ahuru maile i te hora e te tiaturi nei oia e, e haere roa'tu oia i mua. Te opua nei oia ia faariro i te ra'i ei e'a no'na e ia faatere i to'na faurao i te tauatini maile i te hora. Mai te mea e manuia oia, eaha'tu â ta'na e titau? E maha anei te parau matamua mure ore tei vai i roto ia'na? Aita. E faateitei oia i to'na mata no te mataitairaa i te mau fetia anaana o te ra'i. Ua ite oia, na roto i ta'na mau faitoraa tia, ua rahi roa a'e te tahi pae o ratou i te ao ta'na e parahi nei; ua ite atoa oia e, te vai ra i reira te mau faufaa mure ore, ua haaputuhia ratou i reira no te maitai, te oaoa e te mau hinaaro o te tahi mau taata pae varua e te pae tino hoi — e mau taata, mai te au i to'na ite, tei au i to'na huru, tei fetii e oia, e a ore ra tei au ia'na na roto i te ture rahi o te aroha. Te vai ra to'na mana'o e, te vai ra i reira te auro, te ario, te mau ofai maitatai, te mau fare, te mau oire e te mau aua tiare. Te vai atoa ra te mau vahi nehenehe, te pihaa pape, te uru raau, te mau anavai rii e te mea rahi; te vai ra te mau mafatu tei i te ora e te oaoa, e te vai ra i roto ia ratou te mau tumu no te mau here mâ, te mo'a e te hopea ore.

No te aha ia eita to'na mau titauroa e to'na mau hinaaro e rahi roa'tu ai, e ia rahi e ia puai to'na mafatu no te mure ore o te mana'o e te here. No te aha e ore e tia'i ia riro ei mea maitai e te aroha mure ore mai te Atua, tei parauhia e ana e Metua? No te aha aita oia e faateitei a'e ia'na i nia a'e i te motu iti tei painu i roto i te ra'i, i rotopu i te mau ao anaana? E mea papu roa te tumu; e ere no te mea aita to'na e hinaaro, aita ta'na e titauroa, e eiaha no te mea aita to'na e mana'o. No te mea ra ua taamuhia, ua tapeahia e ua tamauhia te tino i raro nei na roto i te ohiparaa a te attraction o te mau materia, tei ore â i itehia, e te taata, te ravea no te faatere ia ratou. E tia ia parau e, te haavî nei

te mau mana o te fenua nei ia'na, e te tapea nei ratou ia'na ma te vaiiho i te hoê ravea ia matara oia.

No reira, o oe tei tai'o mai, a tamata na i nia iho ia oe iho to oe mau mana i te pae tino e te varua atoa. Mai teie te huru, a hinaaro na oe i te faahauti i to oe rima, e faaroo oioi oia. A hinaaro na ia haere to oe tino e toru maile i te atea, e haapao oia i te reira hinaaro ma te taupupu ore, e e pau paha hoê hora ia'na no te haapaoraa i to oe hinaaro.

A taamu na oe i to na rima i muri i te tua e a tamata na oe i te faahauti ia raua; e tamata raua i te haapao i to oe hinaaro, area râ aita ta raua e ravea, no te mea ua taamuhia. A tamau ia oe iho i roto i te hoê piha, ma te tamau maitai i te mau uputa, e a hinaaro na i te haere i te hoê vahi, eita to oe tino e faaroo, no te mea aita ta'na e ravea. **A tatara na** i taua tino ra e a horoa'tu i te ravea ia tere oia i te hoê maile i te hora, e faaroo te tino i to oe hinaaro, e e haere oia e toru maile i roto i na minute e toru.

Ahiri e tia ia haavî i te mau mea te tapea nei ia tatou ia noaa te tere rahi i to tatou mau tino, e tia ia i to tatou mau hinaaro ia faaue, e tere ia to tatou mau tino, i roto i te reva, mai te tere o te maramarama e to te uira. Aita e otia e vai nei no te tere o te tino, ia matara oia i te mau mea atoa te faataupupu ia'na.

I te hi'o raa matamua, e mea huru ê roa tei reira huru tere no te hoê tino i'o e te ivi. no te mea te faahuru ê ra te reira i te mau ture no te terera.

E mea tia atoa ia haamana'ohia i teie nei ao ta tatou e parahi nei, to'na teiaha e to'na rahi, to'na mau oire te mau animala e te maa taata, te tere nei oia, na roto i te reva, i te tere ra e 29.000 kilometera i te setoni hoê, 1.740.00 kilometera i te minute hoê e a ore ra, hoê hanere e maha milioni e e maha tauatini kilometera i te hora hcê.

Mai te mea e tia i te hoê mea rahi, mai te ao nei, ia tere na roto i te reva i te reira huru tere, eaha'tu ra ia, i to tatou mana'o, te rahi o te tere o te hoê tino tei matara i to'na tia-hapa repo nei e tei faaorahia e te varua, tei arataihia e to'na hinaaro no te imiraa i te maitai e te ite.

E tia i te hoê tino, tei tia-faahou mai no te pohe e tei haa-maitaihia i te ora apî, tei ore i mau faahou i te tapearaa a te mau mea o te ao nei, i te haere i nia e i raro mai te amorraa mata, ia au ia Iesu tei tia faahou.

I reira e haere te ite no te oterafia i mua e e tahiti oia i nia i te mau milioni ao, e e haapî oia i to ratou mau huru mau, i te pae tino e te pae faaroo atoa e te mau mea atoa e vai i reira. Ei reira e iteahia'i te tahi mau ao tei ore roa i ite matahia e te huaai a Adamu.

E taatihia, e te paari o te parau tuatapapa, te taatoaraa o te mau tau i mairi e te vai nei. I roto i to'na tai'oraa, e amuihia te mau nunaa atoa, te mau tau atoa, te mau ui atoa e te mau ao atoa, i roto i to ratou mau tauraa e te haereraa i mua, i roto i to ratou mau hoturaa e to ratou mau atributi.

E apee oia i to tatou nunaa i roto i to'na mau hereraa atoa, mai te oraraa matamua i nia i te ao rahi faatere ra o Koloba e tae noa'tu i to'na faarahi raahia e te tuu raa hia i nia i te tahi e i te tahi ao, e tae noa'tu i te taime ua i te mau otia o te mure ore, ia rohirohi te mana'o o te taata tahuti ore no te rahi o te mau parau tuatapapa, e ia ho'i oia no te haa mâhâ-raa i to'na rohirohi e ia noaa to'na itoito apî.

I muri a'e e tae mai ai te tufaa no te parau tohuraa. E ninihia te varua tohuraa i nia i te ite mure ore e tae noa'tu e tia i te taata ia ite i te mau tau i mua roa, te mau tau hana-hana, maramarama, here, mana, hinuhinu e te puai rahi roa e i reira te mau tamarî a te Atua, te mau arii e te tahu'a o te ra'i e te fenua nei, e ite ai te parahiraa tano no ratou.

To Te Taata Nei Auraa I Te Atua!

UA ui o Davida, i roto i ta'na Salamo, i te pene 8 e te irava 3-6, i teie nei uiraa ta tatou i feruri pine-pine: *Ia hi'o vau i te mau ra'i i te ohipa a to rima ra: te marama e te mau fetia ta oe i faaau ra. Eaha te taata nei i mana'o mai ai oe ia'na? e ta te taata nei tamaiti i haapao mai ai oe ia'na? I raro iti a'e oia i te mau melahi i te hamaniraa hia e oe ra, e ua faakorona oe ia'na i te hinuhinu e te tura! Ua faariro oe ia'na ei tavana i te mau ohipa a to rima, e ua tuuhia e oe te mau mea atoa nei i raro a'e i tana avae.*

Ua ite o Davida i te mau mea nehenehe ta te Atua i hamani e na haamaitai oia i te Atua no te reira e no te mea e, ua faakoronahia te taata i te hinuhinu e te tura, e ua faarirohia oia ei faatere no te mau ohipa ta te Atua i hamani. Te ui nei râ oia e, *Eaha te tumu i mana'o ai te Atua i te taata nei.*

Nahea tatou e ite ai i te pahonuraa i taua uiraa ra? E ui anei tatou i te taata nei? Aita! O te Atua ana'e te nehenehe ia faaite te mau mea no'na iho, no reira e imi tatou i roto i te mau papairaa a te Atua. E imi na mua i roto i te Bibilia, e ia ore i pahonohia taua uiraa ra i roto i te Bibilia, i roto i te faufaa tahito e te faufaa apî atoa hoi. E nahea tatou i teie nei? E imi tatou i roto i te mau papairaa a te Atua tei horoahia mai i teie mau mahana hopea nei, e i reira e roaai ia tatou te maramarama.

I.-Te irava matamua ta tatou e hi'o, tei roto ia i te mau papairaa a Mose, ta te Atua i heheu mai i te Peropheta ra ia Iosepha Semita, tei na ô mai e: *Inaha, teie ta'u ohipa e to'u hanahana, ia noaa te tahuti ore e te ora mure ore i te taa-ta. (Buka Poe Tao'a Kahi, Mose 1:39.)*

Eaha te tumu ua here te hoê Metua i ta'na tamarii? No te mea na'na iho i fanau i taua tamarii ra i roto i te ao nei, ua riro ia mai te mea ra e, e tufaa te tamarii no taua metua ra, e e mea fatata to'na hohoa i to to'na metua, e ta'na mau peu e rave, e mea faito ia i ta to'na metua.

Hoê â ia i te Atua, na'na hoi i hamani ia tatou i te ao varua, e ua hamani Oia ia tatou i to'na iho huru e i to'na iho hohoa. No reira to'na here i te taata e to'na hinaaro ia noaa te tahuti ore e te ora mure ore i te taata.

II.-Te piti o te irava, tei roto ia i te Buka a Moromona, II Nephi i te pene 2 e te irava 25. Te na ô maira taua irava ra: *Ua hi'a Adamu ia vai te mau taata e te vai nei te mau taata ia noaa to ratou oaoa.*

Mai te hoê metua no teie nei ao e imi te mau ravea ia maitai tana tamarii tana i here, e ia noaa ia'na te oaoa i roto i to'na oraraa. Te hinaaro nei hoi te Atua, to tatou Metua i te ao ra ia noaa mai te oaoa ia tatou. Eaha ta'na i rave ia noaa to tatou oaoa?

III.-Te na ô mai nei te torn o te irava; *E varua hoi te taata e e mea mure ore hoi te mau mea rii tumu, e te varua e te mau mea rii tumu ia ore roa ia faataa-faahou hia ra, e farii ra i te îraa no te oaoa. Ia faatua ê hia ra te reira, aore te taata e farii i te îraa no te oaoa.* Ua ite te Atua e, eita te îraa o te oaoa e noaa i te mau varua ia parahi noa ratou i te ao varua, no te mea e mau varua ana'e ratou, no reira Oia i horoa mai ai te hoê tino i te taata e i tuu mai ai te taata i te ao nei ia noaa te tino e ia haapii i te mau mea no te tahuti, e ua horoa oia i Ta'na Tamaiti fanau tahi ei taraehara no tatou, ei ravea na tatou ia ,^a faahou i mua i te aro o te Atua.

E mau tamarii ana'e tatou na te Atua, e no to'na here rahi ia tatou, ua horoa mai Oia, ia tatou, te faatereraa i nia i te mau mea atoa Ta'na i hamani, e ua fataa Oia i te ravea ia haere roa tatou i mua e ia riro tatou mai Ia'na te huru.

Mai to te taata nei huru i teie nei, mai te reira atoa te Atua i te matamua, e mai to te Atua huru i teie nei, e tia hoi i te taata ia riro mai te reira.

Papaihia e Iosepha Orometua

Te Inuraa Ava a te Feia Maitai E ta te mau Feia Rave ohipa.

E mea tia ia aro puai a'e tatou, i ta tatou e rave nei, te inuraa ava. I te mau fenua mai ia Baratane, o Purutia, o Holani e o Peretita, te pau nei, i teie nei, hoê litera ava paari (alcool), i te taata hoê i roto i te matahiti hoê; i Italia, te fenua faaapu vine mau, aita â te reira faito i naeahia; area, ia tatou nei, te inu noa nei â tatou e 2 litera e te afa, te hoê ia faito rahi mau. I Farani nei, te tau nei te huru o te inurua, aita ra i iti noa'e. Aita tatou e ite faahou nei, i roto i te mau fare ma'i, te taata inu apitati e to'na mau ma'i hopii, area ra, te farerei nei râ i te mau taata ama ava, no te inu rahiraa i te uaina e te mau ava puai.

Mai te tau i hau ai te tama'i, ua amui faahou mai te tahi mau huru inuraa api. I roto i te mau oire e i roto i te mau fare rarahi o te hau Farani, ua papaihia te i'oa o te mau huru ava atoa e ua imihia te mau ravea atoa, na roto i te mau papairaa ia haapaohia te reira e ia tae atoa i roto i te mau utuafare, e mai te huru e e haamaitairaa tino, te faataoto nei ratou i te māta'u o te feia inu.

I roto i te mau utuafare moni, ua tau roa te peu no te inu raa na mua i te tamaaraa, i teie nei, mai te au i te peu no marite mai, e inu te mau taure'are'a vahine i te mau huru ava puai tei anoihia. I teie nei, e ere ana'e atura i roto i te mau fare ava te inuraa ava, tei roto atoa'tura i te mau utuafare, ua mono te inuraa ava no te hora 6 i te inuraa tî o te hora 5. Te hinaaro nei te mau vahine tiaraa maitai ia vai ta ratou iho hooraava mai te au i te mau hohoa i faaitehia i roto i te mau ve'a. Te vai atoa ra te mau paepae inuraa no te ratereraa, te maeae noa ia amo, e te vahi ri'ari'a roa, te vai atoa ra te paepae hooraava hauti na te mau tamarii. Ua faaite te taata ra o Guillain i taua ino rahi, i roto i te hoê parau tei tuuhia i roto i te mau ve'a rahi o te fenua.

Ua ite paha outou i te mau hotu o te inuraa ava i rotopu i te mau tane e te mau vahine tiaraa maitai. Te taero, te ma'i hopii, te ama ava, te mau ati pereoo uira, o te mau hotu rahi ia no te ohipa inuraa ava, tei oaei itehia, i te mata-mua, i to tatou fenua nei,

Papahia e Taote AUBRY

Taote rahi no te Fare no te Ruau i Marseille.

PARAU FAAITE

E faatiahia te Amuiraa Eperera, no te Ekalesia a Iesu Mesia i te Feia Mo'a i te mau Mahana hopea nei, te 4, te 5 e te 6 no Eperera i TAKAROA, no te mau fenua Tuamotu, e i TUBUAI, no te mau Amaa i reira.

*Le Roy Mallory
Peretiteni Misioni.*

TE MAU PARAU API

Ua tae mai ta matou parau faaite e, ua maitihia o Thomas L. WOODBURY ei Peretiteni no teie Misioni, ei mono no Le Roy MALLORY. E tae mai paha oia i te 27 no Febuare. O outou e te mau feia paari, e haamana'o paha outou ia TOMA, a haere mai ai oia ei Orometua, i te 21 no Mati 1893 e tae noa'tu i te 14 no Atete 1896, te mahana oia i reva'i.

Te haere nei te Ekalesia i mua.

Ei tapao faaite e, te haere nei te Ekalesia i mua, o te faatiaraa ia o te Titi apî i te oire ra i Chicago, America. O te 118 teie o te mau Titi no te Ekalesia e tei roto ia'na e 8 Amaa e ua mairi te 2.000 te rahiraa o to'na mau melo.

Te hopea no te feia puhipui opiemu.

Mai te au i te mau parau no te fenua Tinito, te vai nei i reira e hoê hanere tauatini taata puhipui opiemu tei tia i to ratou hopea, no te mea ua faaotihia te parau, e te mau feia faatere hau, ia faarue ratou i te opiemu e a ore ra ia haapohehia ratou. Te faaitesia ra e, te tumu ratou i na reira'i, no te ravea ore ia faaore i te hooraa huna i te opiemu, no reira ratou i tuu ai te utua pohe i nia i te feia puhipui opiemu, ia tupu te mātā'u o te taata ia rave faahou i taua ohipa faufaa ore ra.

Ua faatupu faahou hia.

Ua faaitesia, e te Peretiteniraa Matamua no te Ekalesia, e faatia faahou hia te Misioni i te fenua Japone, tei opanihia i te matahiti 1924.

Ua faaite atoa hia e, i te fenua ra i Honolulu e faatia hia'i te fare Orometua no taua Misioni ra, e e na reira'tu te mau Orometua i te haere i rotopu i te mau taata Japone i taua fenua ra e i te mau Amaa e vai i te fenua Japone.

Ua pohe roa te Aposetolo ra o Alonzo A. Hinckley.

I te 22 no Ditema i mairi a'enni ua pohe o Alonzo Arza HINCKLEY i te 66 raa o to'aa matahiti. E melo oia i roto i te Pūpū Ahuru ma Piti Aposetolo no te Ekalesia mai te matahiti 1934 e tae roa mai i to'na poheraa e ua rave itoitoe roa oia i te ohipa i roto i to'na toro'a.

Ua aufau te Haava te utu'a.

I te oire ra o Jackson, America, ua faautu'a te haava ra o W. T. HORTON, i te hoê taata i te utu'a ra 1 tara, no te tapearaa i te pereoo i te vahi i opanihia, e i te otiraa te haavaraa, na'na iho i anfau taua utu'a ra. Te tumu oia i na reira'i, no te mea o ta'na iho vahine ta'na i faautu'a.

Ua ite faahouhia te farero.

A tunu ai te vahine ra o Mrs. Louis H. HAKE i na faraoa monomona e 13, no te mahana fanauraa, ite âtura oia e, ua mo'e te hoê farero no ta'na machine faarapuraa faraoa. No to'na ite ore, teihea taua farero ra, pea-pea roa a'era oia, e no to'na pea-pea rahi ua afai oia i ta'na mau faraoa i te hoê taote ma te ani atu ia hi'o oia ia ratou i roto i ta'na hi'o faarahi ia itehia e, teihea taua farero ra. Ua faatia te taote i to'na hinaaro e ua itehia ihora te farero i roto i te faraoa monamona numera toru. Aita taua taote i ani i te hoê moni no taua ohipa ra, maori râ te hoê faraoa monamona no te mahana fanauraa.

E pohe rahi.

I te tufaa fenua Tarafonia ana'e, i te 27 no Novema i mairi a'enei, ua pohe 16 taata i te pereoo uira i nia i te mau purumu.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.